

صحح يا مصري قبل ما يموت الأمل؟؟؟!



الجمعة 15 يونيو 2012 12:06 م

شعر:د/ عادل فهمي
مين اللي قال : الشعب عايش ف الخيال؟
مين اللي قال: الثورة خلصت دول عيال!!
مين اللي قال: اقضوا عليهم بالجمال
و الحكم يفضل بين خديجة وبين جمال!!
جاوب يا مصري .قوم وشوف رمز الضلال !!..

مين اللي عاوز يقضي ع الثورة الفتية؟
مين اللي عاوز بيتدي عهد الوسية؟
مين اللي عاوز إسرائيل تفضل قوية؟
مين اللي عايش للفلول والبلطجية؟
جاوب يا مصري قبل ما يخلوك هفيّة!!

مين اللي عاوز ينتقم من أهل مصر؟
مين اللي راجع مشتي إذلال وقهر؟
مين اللي عايش بالفساد في كل عصر؟
مين اللي خلى دمكم في الأرض نهر؟
جاوب يا مصري!! وكفايانا صبر !!..

مين اللي عاوز مصر ترجع للفتن؟
ونعيش مصايب يحترق فيها الوطن !!..
يحرق كنايس!! والكنيسة تعيش محن!!
مين اللي عاوز للمساجد تُمتهن؟
جاوب يا مصري قبل ما يفوت الزمن؟

مين اللي قال أحمد شفيق هو البطل؟
أحمد شفيق ضالع ف موقعة الجمل !!..
أحمد شفيق عند الصهاينة بيشتغل !!..
أحمد شفيق شيخ الفلول المبتذل!!
صحح يا مصري!! قبل ما يموت الأمل !!..